

四庫全書

集部

欽定四庫全書

古歡堂集卷十四

戶部侍郎田雯撰

七言絕句

儀真縣

松牌絲網架江頭  
叢綠新篁傍水樓  
一片風帆三十里  
買魚煮筍到真州

聞欸乃聲

魚樵勾連鱗斷明  
江湖半落月痕生  
扣舷漁父知人意

故作烟波襖靄聲

引釣楓林小艇行使君腸斷此餘聲昔人招隱詩中語  
不及江干漁父情

涪川縣

孤城十里一川斜零鳥村深有數家士女不來無芍藥  
牛欄豚柵蜀葵花

季札掛劍處

打麥場邊土一堆輪囷老樹立荒臺世多張耳陳餘輩

不信延陵掛劍來

貴人鄉

新埜縣

陰鄧深村半夕陽至今猶說貴人鄉  
菜花滿髻農家女  
作意風流嫁帝王

白河舟行

柔艣輕帆細雨中行行漸入漢江東  
一篙浴鴨跳珠水  
兩岸垂楊少女風

樊城

炎塵撲向馬蹄生愁問襄陽路幾程買得小舟能蕩漿  
柳烟連雨入樊城

襄陽絕句十二首

雨柁風旗渡漢江行滕結束獠奴扛鹿門此去無多路  
上岸騎驢訪老龐

曾讀漢南耆舊傳風流凋謝說先民眼中不少雍州客  
誰是一人誰半人

豈有鴛人羊叔子卻憐沉水杜征南殘山破廟豐碑在

長嘯一聲天蔚藍

草草登臨夕陽館題名闕略負山川自從李白王維死  
愁殺能詩孟浩然

如泥爛醉習家池拍手銅鞮倒接離不羨山公饒逸興  
盃前妙有葛彊兒

烟匏雨笠路層層水放晴光霞氣蒸獨怪詩人皮襲美  
清吟何必在松陵

溪雲山雨半模糊一幅灰堆總畫圖我欲收來為粉本

前村交付米於菟

直上宜城望大江  
杜康臺畔水淙淙  
魚泔買得十千尾  
酒劑芻來二百缸

香奩漬粉句消魂  
才思清狂宅尚存  
一代詞人段成式  
山間別業木瓜村

六月炎天我欲愁  
刺桐花下住行舟  
才經宋玉墳邊路  
風雨刁騷便似秋

水南刺史有層臺  
豚犬兒郎事可哀  
岸幘呼風歌一曲

幾年不見野鷹來

山前說是仲宣家  
智井殘樓落照斜  
曳杖尋來無別物  
一叢鴨蹠雨中花

買二鰱魚

行到蘆花扈業邊  
酒錢分作買魚錢  
白泔紅乙真肥美  
二尾槎頭縮項鰱

崔婆井在伏波廟左

崔婆有酒如清乳  
虛白頻來似野雲  
村媪學仙太多事



如何不飲馬將軍

世傳崔婆善釀酒仙人張虛白日來飲之

辰州伏波祠

新息何夸拜大侯據鞍事業歎荒丘傷心馬革英雄語  
此老終輸一少游

麻溪伏波祠

椒房何例獨無君豈謂壺頭未策勳村廟尚存香火地  
五溪蠻不負將軍

夜郎城

拚得新篇詩百首  
消來村市酒千觴  
漫言鬼國無人到  
李白何曾不夜郎

龍標城

雲山寂寂水茫茫  
看來真覺有離傷  
詩人謫作龍標尉  
孤客愁猿伴武陽

沅州

江西橋上市烟稠  
吹笛迎神夜未休  
為作楚南風俗記  
火雅竹祖是巫州

龍淙絕句和眉山四首

晴日臨池夜講經一番風雨正堪聽老龍亦學吾儕事

脫手神通墨瀋靈

墨雨巷

山中藥草恣幽尋宛轉溪頭入徑深鴉髻童扶到峯頂

紅藤杖拄下坡心

宛轉溪

山吐晴嵐水放光

用白香山語

行行人影又衣香一叢菡萏

橫波面兩隻鷗鷁立石梁

石香橋

獨於山水不能廉屐齒苦遭泥絮沾雪後倘來尋此石

須隨馬耳露雙尖

石卧

黃鸝

粟留狡獪有心情  
窗外垂楊故弄聲  
吟罷欲眠支午枕  
兩三轉罷報詩成

示女

挽鬚索餅常憐爾

昔汪蛟門譏余云公有愛女癖

歎息隨翁萬里遊  
莫

衢從軍非汝事  
木蘭曾戰黑山頭

悼亡絕句四首

竹樹蕭蕭絡緯鳴  
秋聲總是斷腸聲  
可憐淚似黔州雨  
一月眼無三日晴

彈指傷心不可論  
幾番剪紙向黃昏  
青松白塢烏川水

招兩棲禪寺裏魂

朝雲葬忠州棲禪寺

粉黛消沈晝掩扉  
香山哀病舊吟稀  
楊花鶯語年年事  
樊子逐春何處歸

柝響鴉啼夢不成  
小樓風雨夜縱橫  
山蘊寂寞挑燈坐  
不向樽前聽艷箏

春燈詞八首

春聲一沸夜如雷  
報到寒花帶火開  
三寸酸黃柑價賤  
木瓜村裏並傳來

濟火祠前試綺羅  
奢香驛下舞婆娑  
夜郎塞路人如蟻  
大半畚童燹女多

城北城南接老鴉  
細腰社鼓不停撾  
蹋踑角抵蠻村戲  
椎髻花鈴唱采茶

白納烏蒙舊有名  
水西柳畔是童坑  
奚官金勒連錢馬

串作花燈蹀躞行

火樹星橋取次看  
硃書銀榜太平歡  
小鬟鸚鵡調香粒  
一老獼猴掛釣竿

雪後梅絲小雨涼  
連宵摒擋鬪新粧  
街泥不怕沾裙屐  
蜀廟燒香賽竹王

米家鎗樣巧工夫  
記得熙筌好畫圖  
十二屏風燒寶炬  
幾枝紅淚作珊瑚

江郭風流未可期  
紫泉春冶似當時  
願將鎗火年年事

話與烏蠻父老知

啞泉

一竇沄沄碧沼連直從石壁弄潺湲世情不欲多饒舌  
拚得山腰飲啞泉

盤嶺坐竹下示僧

大竹千竿絕頂峯攬風籠雨綠陰濃山僧休縱貪饒口  
玉板停叅赦籙童

眉山餽乳餅



山店餓餽飽即休甘心枕麪藉糟丘一盤白乳紅牙餅  
不比尋常寒具油

元江檳榔

土蠻只作尋常食方物原同蒟醬餐可笑穆之誇富貴  
檳榔一斛貯金盤

入滇得食物三種

羅池柑子十分黃洱海弓魚二寸長為補滇蠻風土記  
香梨更比木瓜香

鷓鴣羹

雲安驛畔夕陽明  
竹鬼祠前夜雨聲  
最是鈎輈聽不得  
山厨熟煮鷓鴣羹

眉山惠紅茶花二本

九瓣重心一抹霞  
戎戎冒雪到山衙  
今宵不倒春蛆瓮

孤負滇南二本花

來書云此花九瓣  
重心色似丹霞

食署中櫻桃甚酸

西園木蜜多佳味  
北地林禽勝兩曹  
可笑山薑一饒口

八千里外噉櫻桃

楊梅盧橘尋常有紫李黃瓜分外甜  
偏戀櫻桃二三樹飽嘗酸味不知嫌

薔薇花五絕句

無數山禽朝格磔一番春雨暮紛拏  
官齋寂寞沈吟立看徧薔薇滿架花

瑟瑟絲絲絕可憐紅鬚綠刺弄春烟  
分明一段蜀江錦鋪在竹窓晴日邊

引得春駒太多事，倒飛斜舞十分狂。  
憑誰繪向東風裏，半是徐熙半趙昌。

漢女新妝別樣裁，石家錦幃兩邊開。  
薔薇不受閒評品，山館清吟墊客來。

堪笑香山老居士，花開將兩當夫人。  
我唯一看一回醉，消盡餅中麩米春。

小樓成自賀詩

南榮磊磊三拳石，西戶衙衙二本松。  
突兀小樓無長物，

滿堆書卷似高峯

摘香櫞

庭前樹子比簷長大者如拳九月黃書案堆棹三十顆  
茶烟花氣助清香

送馬乾菴將軍移鎮四明

辛未三月

十三年久住潮陽一髮青山入夜郎鼓角迎來才幾日  
四明海上去堂堂

村口牛桃花似雪水邊鴨蹠葉如釵  
犵童狎女來相送

十部諸羅次第排

山秃川烏白納城麾前二萬鬼方兵風流儒將文章伯  
三十登壇是後生

胭脂井上佛桑開黑猱城邊打獵回大食刀橫初歇馬

梨園子弟請詞來

結用  
唐句

一番花信過清明擘柳風前客欲行如此蠻春堪戀否

木瓜婪尾麥沖錫

木瓜村名  
麥沖橋名

雨後鄭花花滿開坐談虎帳共徘徊清香畫戟森兵衛

蘆酒夕傾三百盃

英雄去領浙江軍冷落孤飛天末雲君已封侯須退避  
醉鄉缺券策吾勲

知章祠畔七千里赤雁蒼鱗未可憑飽噉江瑤歌舞夜  
將軍可憶老中丞

客有傳余選姬者訛也作詩解嘲

孤雁涼雲九月天安心閉戶坐枯禪名園不少堪遊處

怕見秋花老少年

老少年  
花名

題毛生青錢硯

毛生詩名三十年數卷排成甲乙編聞道西園新例出  
端州石鑄五銖錢

題王中齋像

壺注三升索卽酒席堆一卷陶潛詩怪他無事高歌放  
咄咄王卽斫地時

行路不捶朱雀桁辭官豈戀白雲曹風來裂帛湖光淨  
嵐湧翠微山格高



讀蔡廓傳

平世三公蔡濟陽辭官何事太清狂當時得遇徐干木  
紙尾連名似不妨

餽歲贈殷彥來

有序

餽歲見東坡詩都下紛紛率以笋橘登梓其直踞巨  
鯉雙兔之上獨殷子彥來綺情敏思矜其富才於除  
日自卯訖酉餉子雜體詩十五篇長鬚絡繹而至復  
東尾一截云雙藤倚戶都無事頻致詩篇到絳帷自

笑門生非餽歲何煩剝啄恩公為予觀其意良厚以  
眎華靡春磨似不及也因題句報之頌椒燒炬更鼓  
添過子猶留連其詩不置云

玉板熟參嫌味澀木奴冷擘帶酸嘗何如殷子新詩美  
餽歲敲門十五章

題徐大臨宮詞後

石城雀巷夕陽時輦道苔封沒舊基却怪徐生偏作態  
野花黃蝶譜宮詞

玉樹凋殘曲莫傳，後庭寂寂幾何年。  
可堪南渡無愁客，並入寶摩新詠篇。

白頭飛盡夜啼烏，天寶遺聞記得無。  
曲項琵琶聲未絕，蠟流寒淚作珊瑚。

何處淒清五十絃，侍兒錦瑟最堪憐。  
玉溪生亦荒唐甚，浪道春心託杜鵑。

讀賈誼傳

服鳥長鳴遇合難，洛陽年少興闡珊。  
平生心事堪流涕。

何用區區策治安

累牘連篇上策難  
長沙一去淚空彈  
書生可怪真多事  
已治安云未治安

讀李泌傳二首

衣白山人侍從回  
兩京事業不羣材  
魯連范蠡何堪比  
更有麻姑送酒來

大雪今年占斷春  
花飛寒食正愁人  
憑君重改中和節  
不賽勾芒二月神

讀庾開府集題六絕句為倪舍人魯玉

江表才華早絕倫  
咸陽關外更清新  
令狐不解文章妙  
浪道蘭成是罪人

青絲白馬下臺城  
著作徒然擅重名  
可笑繁華朱雀巷  
東宮學士夜屯兵

掘尾旗明野火寒  
風流小庾楚江干  
郢州刺史無情甚  
不記當年斷袖歡

文采分鑣哲匠能  
才名北地儘堪稱  
王郎亦是南朝客

不少詞人溫子昇

草荒宋玉悲秋宅老憶鄉關更不堪別館都亭空灑淚

傷心故國是江南

庾信江陵所居  
是宋玉舊宅

楊子伽藍未足多酈元藻思更如何玉臺新咏殘編在  
妬殺徐家小寶摩

清明

蝦蟆泉上放風箏白髮城南少此行閉戶孤斟婪尾酒

今朝六十一清明

清明雪

滕六今年大無賴  
春風花信興蹒跚  
羊孚不用多饒舌  
向火垂簾準備寒

題桃源圖二首

官罷遊行不可招  
一編山海最無聊  
此公多少傷心處  
不獨區區苦折腰

藉口桃花可避秦  
辭官彭澤豈無因  
督郵冤死憑誰訴  
公是天資刻薄人

讀張浚傳

南宋虞張可並陳魏公才望倍嶙峋紫陽評論無虛謬  
也為南軒一輩人

讀盧懷慎傳

丞相憂時上疏迴饑寒妻子亦堪哀聲名縱讓姚崇輩  
不是尋常伴食才

讀袁紹傳

董公健者遭呵斥鼠子紛紛不足論最是英雄饒氣概



橫刀長揖上東門

閱焚椒錄

十香詞譜管絃中多事伶官入後宮上下常遺千載恨  
乙辛直似漢江充

讀張良傳三首

雷轟一擊動長安辛苦先生欲報韓女貌兼工神鬼術  
不然十日索何難

圯上尋來多詭異從遊何處脫風塵赤松黃石無名姓

勾引留侯是一人

商山不少採芝翁埋伏它年羽翼功一旦漢庭來四皓  
其人久在素書中

讀司馬相如傳

擯鼻禪寒四壁荒風流犬子擅詞場才人自古誰能料  
好色翻成諫獵章

題鼉錯授經圖

女兒侍坐一翁旁口授須臾二十章疑有舛訛遺漏處

鼃公杜撰兩三行

鶯聲姪姘語模糊九十衰翁記得無  
留作後人辛苦事  
聱牙讀得費工夫

削地談兵負異才不教遺籍沒秦灰  
典謨訓誥傳經學  
術數說從何處來

讀劉穆之傳

十人饌設百箇彊眼底賓榔只暗傷  
自是遭時才調絕  
五官並用太夸張

題樊川集後

破例憐才千古事，鬢絲禪榻幾年春。  
遭逢更有天池子，也似揚州薄倖人。

茗溪水戲尋春日，洛下筵開選伎時。  
崔李看來真有意，分曹御史最能詩。

才名誰似張公子，文采風流是一班。  
左袒詩人多習氣，不須輕詆白香山。

自是詩翁於格律，鳳凰得髓舊編存。  
一般俎豆先生處。

慷慨論兵又罪言

城西溪上

山脚泓澄丁字斜  
跳珠波動亞枝花  
烟中直似江南景  
只少舸聲軋軋鴉

春水泱泱鴨頭綠  
桃花樹樹胭脂紅  
岸聲高唱烏鹽角  
沙陣斜飛白勃公

烏鹽山歌名  
勃公水鳥

上巳雪

三月三日雪風豪  
寒廳垂簾擁絮袍  
水邊榭楔遊人寂

作意新豐酒價高

追憶昔時上巳日吹螺走馬春城南桑榆可怪六十一

鶯蝶空憐三月三

十時  
深切

偶咏

意匠經營體別裁不須刀尺剪詩材深愁花鳥無消息  
會待庾徐溫李來

東雪塢上人

林杪鐘聲憶去年高槐新綠寺堂前敲門好句今來少

可怪范陽無本禪

訪高鍊師

自笑山薑見事遲  
鈍根聞道是何時  
那堪生意甘衰白  
才訪天壇老鍊師

再讀庾信集題後兼贈魯玉

自是西崑體最妍  
詩家誰敢著吟鞭  
南朝北使風流歇  
莫恨無人作鄭箋

元遺山詩云望帝春心託杜鵑佳人  
錦瑟怨華年詩家總愛西崑好獨恨

無人作

鄭箋

題四夢傳奇後

天風綺藻散餘霞前輩臨川著作家自是詞人風味別  
堂前一樹白茶花

老態

龍鍾老態暗傷神輕薄紛紛不敢嗔昨日偶從市朝過  
黑髭人笑白髭人

崇效寺坐雪塢上人三語軒茶話四首

雨後禪闌滿綠苔殿松枝榦接庭槐此身商略無歸處



故向空門佞佛來

只堪茗椀對爐熏  
鐘鼓幽聲日暮聞  
宰相十年非我事  
不須煨芋太殷勤

鼓子花繁徧寺開  
空腔歌柳抱經臺  
詩僧少小山間住  
不是佯狂老萬回

僧雛三兩刈葵根  
罾井淘泥補斷垣  
吾帶昨宵歸酒肆  
笑留詩句在山門

易水

燕丹孟浪欲圖秦誤事田光自禍身此老何嘗一錢值  
樊將軍首送他人

舉朝送客歌聲苦塞破蕭蕭易水濱可笑燕丹謀大事  
遍招屠狗賣漿人

石鼓

紛紛論古總徒然獵碣橫排太學前石老如人深歎息  
從他聚訟幾千年

四月八日

却忘今日佛生日供奉清齋不敢停手自焚香童掃地  
一枝婪尾插蜜瓶

數聲清磬佛排衙奇事明朝向客誇簾外雙來新燕子  
窻間三放晚蘭花

郊行雜詩六首

勾欄四面護花旂數朶含烟日正暄自笑操持無定力  
一叢芍藥便銷魂

參差舍北舍南樹高下溪前溪後橋根老顛冬新舊葉

土温半夏兩三苗

顛冬即  
天冬

才騎牛背橫吹笛又上魚牀坐釣鴻眼底春光滿得意  
飛揚跋扈邨兒童

鼗鼓人搖還自響紙鳶低放忽天高世間游戲難憑事  
只合摸稜聽兩曹

鞭絲帽影野風低斗酒雙柑席地齊翻怪黃鸝非曉事  
一邊啼不傍人啼

淺白深紅處處栽井欄畦畔接豐臺可憐野蝶癡愚甚

飛上肩筐入市來

贈賣花人

紛紛徐趙邊黃譜  
日日陰晴風雨懷  
獨有賣花人不俗  
辛勤愛惜是情差

讀董仲舒傳

公羊一卷至今存  
千古醇儒道自尊  
繁露何緣傳異術  
陰陽水火閉城門

見賣花者隨一犬戲作

都市繁華何劇哉趨炎逐臭莫相猜  
金張第內錢如許人賣花來犬亦來

讀陸賈傳

坑焚滲漏笑強秦劉氏功憑馬上臣  
掾吏武夫兩行隊

中間迂腐一詞人

陸生在漢初頗有文藻自新語外有春秋後語南中行紀又著感春賦盛

引典故今雖不傳而文心雕龍載其目實為子虛上林之先鞭也

晉人

運甃何勞少虛日思鱸藉口觸秋風  
陶潛本意求書解

阮籍多情溺酒中

戲題鍾馗嫁妹圖二首

烏巾紅帕槿花垂官府  
猙獰鬼隸隨識破形骸天色曙  
鍾馗笑是一終葵

旌旗簫鼓擁香車  
窈窕官娃玉不如  
漏盡鐘鳴花影散  
一封誰寄大雷書

城西人家園亭六首

園林十畝百花宜  
芍藥迴廊竹短籬  
不似吾園惟種菜

晚菘早韭野鳧菜

壓牆平仲君遷樹夾路辛尼黑丑花數對蘼蘼飛夢蝶  
一池閣閣叫官蛙

龜榼鷓足自咏觴輪蹄城市豈相當人生受用村間住  
不但花香土氣香

牧豎村翁曉事難等閒草木作竒觀小犍夕繫槐陰下  
可笑齊呼黑牡丹

殘山剩水足留連自昔曾名小輞川不合王維裴迪死



詩人零落一千年

梓澤蘭亭往事空無端感慨立花叢洛陽重補名園記  
第一休誇富鄭公

題清流濯足圖

客星軼事儘堪傳垂釣磯頭用意堅商略江清勤濯足  
故人好上帝牀眠

讀崔浩傳

桃簡原來才藝絕甲兵壁壘自填胸平生合是留侯侶

只少功成訪赤松

浩以張良自比

題梓花卷五首

葉如簇蕩菖蒲綠  
子比檳榔枸杞紅  
千瓣吳江霜葉下  
一張蜀錦夕陽中

春雨亞枝鞋鞞濕

文同朱櫻詩翡翠一盤紅鞋鞞

幽禽啄地燕支斑溪

紅風暈溶溶水天碧  
霞鋪瑟瑟山

看去熙昌真妙手  
吟來徐庾好詩篇  
青牛匿卧三十

時深

切樹淥蟻經營一百船

屏風花疊湖邊宅  
卯色天烘北墅亭  
虎梓蒼根十圍大  
鼉江遠岸數峯青

鹿苑輞川寧寂寞  
河陽梓澤豈銷沉  
欲邀閒客騎驢去  
坐聽先生抱甕吟

新寓小樓

樓小勝于屋數間  
阮家四壁不須刪  
雪晴卷幔斜陽下  
飽看西南一角山

冬夜招揆哉石樓魯玉彥來文子小飲五首

錯水村醪那足嘗寒廳佳客訪山薑淹留午夜非多事  
拚擋詩人入醉鄉

吾曹只合老糟丘盃底纔消十數籌街鼓三過仍鬪飲  
酒龍不許病垂頭

可惜今宵苦無懈持螯左手竟成虛商量須助吾豪興  
脫帽燈前讀漢書

一串珠成夜若何欸冬花放傍簷阿小伶按板無新曲

未譜蕃釐觀裏歌

石樓著瓊花夢傳奇  
都下梨園爭演之

老來不醉眠難穩月落參橫酒力增  
抖擻朝衫知有誤已拚明日懶晨興

題六如狸奴圖

唐子毫端多狡獪貌生得意四狸奴  
縱非贗本何堪賞

不是姬王八駿圖

時購馬甚亟

題虢國夫人夜遊圖

十隊紅旗喝道來八姨遊宴夜初回  
入宮見姊應低語莫信人間有馬嵬

題赤壁圖

曹公橫槊蘇公賦殘壘寒江夕照黃詞客英雄兩竒絕  
不須成敗說周郎

題野鷹來圖

三品荆南實下材獵名厨俊總堪哀已知豚犬全無用  
何處野鷹呼又來

題秦虢二夫人承召遊華清宮圖

楊家姊妹貌相當並馬朝天鬪艷粧如此傾城好顏色

蒙塵不悔是三郎

泉煖花明落照紅  
登牀舞馬御樓通  
笑它赤鳳輕相妬  
不與昭陽故事同

題羯鼓圖

喫虛誰復笑三郎

喫虛見李義山定子詩

日醉佳人錦瑟傍  
但惜

華清宮樂沸半聞  
羯鼓半霓裳

題畫虎圖

馮婦其如技癢何  
皮毛牙爪勢嗟哉  
看來爭似狸奴種

只是人間鼠輩多

白翎雀歌辭

空齋雪葉撲簾來  
閒撥檀槽數舉盃  
一曲清商白翎雀  
牕前蠟淚已成堆

論詩絕句

元音太古絕文辭  
十五國風天籟吹  
可笑後人蛇畫足  
辛勤東哲補笙詩

李蘇作俑創河梁  
三百遺編儘可傷  
不少詞人拾殘瀋



誰教孺子唱滄浪

駢麗隋梁芻狗陳蘭成才調果清新作詩不用吳均語  
雜記西京誤幾人

阮子詠懷陳感遇柳州一派又蘇州讀來五字成真賞  
可並江河萬古流

氣麗語大排詩卷長慶齊名已盛傳白傅變成新格律  
老元剽盜祗堪憐

韓老何當遜孟郊寒蟲偏不厭寒號涪翁別是江西體

前輩東坡效爾曹

谷量石計各紛紜  
跋扈飛揚可張去聲軍  
何日援琴彈蕩

什長留風雅在河汾

世無沈謝曹劉輩  
摹索何難暗得之  
作者滿前一丘貉

徐陵善忘是吾師

羣兒謗口聚蚊雷  
唐宋判將偽體裁  
拈出誠齋村究語

無人解道讀歐梅

說鈴書肆不堪稱  
白輩黃茅那可憑  
世上西塗東抹手

驪珠探去有誰能

琢肝鉢腎費尋思攤飯澆書病不支揀取前人篇什讀  
老來白陸最相宜

吾鄉邊李有前民趵突泉頭墨蹟新眼底漁洋蠶尾外

詩人空作濟南人

元遺山云有心  
長作濟南人

乙亥除夕前四日偕諸子陪漁洋先生宴集陸

揆哉卽中寓齋卽事漫題四絕句先是殷子

彥來以石花魚見餉故篇首及之

石花魚帶石花香紅乙層冰一尺長縮項槎頭何足比  
清吟却憶孟襄陽

披綿黃雀頭顧美不數螯肥郭索雙珍重南京初下筓  
十分酒興動春缸

樂府風流竟絕倫譜來宮徵亦清新蕃釐觀裏遊仙夢  
羨爾欽崎磊落人

演瓊花  
夢傳奇

疑在旗亭寒火間拚將新句試雙鬟停歌更覺登樓好  
飽看斜陽雪後山

自題乙亥詩卷後二首

簡略頽唐竟若何排成新卷意銷磨一年事事成真懶

半格詩篇截句多

內截句百廿三首  
別體僅數餘篇

肯容書簾酒螺閒欲策詩勲未許刪俳體百篇教婢讀

老來合學白香山

盧溝張華舊居

水志山經入洛餘黃埃一路撲巾車橋邊先到張華宅

借讀卿嬛數卷書

良鄉曉發別友人

督亢陂荒野色侵酒徒送客只孤吟  
黑鴉無數鳴寒水

風雨蕭蕭變徵音

督亢或作平聲

樓桑村酈道元故里

螺髻烟垂獨鹿青酈生宅畔月泠泠  
燈紅一寸樓桑夜

還註桑欽舊水經

定興縣弔賈島

雪塞青天白日寒禪房深閉詣張韓  
新詩滿袖逢知己

縱有哀彈是美彈

島宅一在房山一在定興

定興寺老松一株

鐵榦蒼皮雪頂封青青撐拄似高峯春風二月花爭發

何處禪關一罪松

松乃不臣木青青獨何為見東野罪松詩

題堯母祠壁

丹陵祠古一碑存壞井頽墻野日昏只為生遲十四月

漢宮鈎弋亦堯門

伏羲臺

鳥篆看來才技絕  
權輿一畫禍胎興  
伏羲蒼頡皆多事  
後世何由重結繩

蘇味道宅在欒城西

武子橋西十里餘  
翠微山下古村墟  
卯君自愛欒城好  
柳陌蓮塘味道居

真定書所見

野店留驂日已晡  
鬢絲禪榻客吟孤  
梅花半落天微煖  
笑看人家賽紫姑



大佛寺逢日者

老來休咎只由天日日高歌又醉眠  
本命已過餘二歲  
不須更算小行年

內丘書所見

一路春風弄柳條  
內丘十里杏花飄  
官車不便停村肆  
勞動當爐酒旆搖

邢臺道上大風竟日

襍被春寒僕馬催  
照眉池上暫徘徊  
傳聞此地曾歌舞

不避風沙撲面來

過臨洺關弔申覓盟先生

曾到江南唱鷓鴣  
殘山剩水枉嗟吁  
聰山詩客今何在  
小鳳還如老鳳無

覓盟有二子能詩  
起句先生往事

邯鄲道上作

舊蹟依然驛路遙  
行人馬上總魂銷  
不知野火陳餘壘  
何似春溪豫讓橋

叢臺遇雨

風流小謝咏輕埃官柳長堤眼倦開路入邯鄲空悵望  
寒花病蝶滿叢臺

荅豐原書并寄以詩

老去誰書白練裙新于塞上咏從軍排成詩句無多卷  
寄與山東趙廣文

枉人山

前日纔離酸棗郡今朝已過枉人山溪明沙軟朝歌路  
走馬紅桃綠柳間

望蘇門山

安石榴紅五月天  
孫登祠上重流連  
白頭孤嘯傷心客

不到蘇門十五年

余曾避暑蘇門  
今十五年矣

新鄉道上

天桃濃李亞枝斜  
布穀聲喧村徑賒  
馬上吟來圖畫裏  
邊鸞一幅折枝花

河內縣

筠篁叢綠菜花稠  
溪上人家架小樓  
一路春風清化鎮

酒帘藥圃是懷州

張衡舊宅

酒甕書牀病不休  
空教白到十分頭  
較量平子愁多少  
不但四愁千萬愁

盧仝別墅

赤脚長鬚戴薜烟  
山臨王屋汲清泉  
金莖不救相如渴  
應訪盧仝到玉川

盤谷二首

泉甘林茂小山隅竹杖芒屨去得無怕有人驚官府過  
停遊摩捋白髭鬚

老來常自歎風塵無分名山托此身何日移家盤谷住  
前溪李愿是隣人

聶政墓

軹城南畔冢纍纍中有韓庭刺客碑小鳥亂啼流水過  
數聲聽似聶琴悲

渡黃河

篙師狐尾不聞歌  
旗脚風斜十里過  
津鼓鼕鼕聲未絕  
一帆落日渡黃河

望偃師縣作

洛河一綫野舟橫  
夾岸青黃麥浪生  
直過緱山花下去  
夕陽滿地偃師城

登封縣憶亡友葉井叔

青山收入簿書中  
六十峯頭有此翁  
太息詩人零落盡  
縣門一樹野棠紅

浮丘峯

洞府周天入渺冥一峯坐對萬峯青御風已自昇仙去

遺落人間相鶴經

浮丘公著有相鶴經

許由墓二首

昨自昆陽城下去廟中遺像祀功臣如何生值陶唐世  
不少箕山潁水人

曲抱林巒飲犢河小熊山下注清波可堪洗耳人聲絕

更有一牛浮鼻過

浮鼻見山谷詩



石淙

翠華昔日巡游地  
陳跡仍存石表雙  
一自燕公留諫草  
春山瑟瑟水瀧瀧

首山

襄城五里棟花開  
石徑參差土一堆  
莫笑等閒樵牧地

軒轅曾上此山來

首山載山海經黃帝遊處

昆陽城

三十六泉泉水長  
廢城崩壞老槐僵  
土人耕出殘刀戟

自是當年舊戰場

漢張釋之墓

赭陽酒肆住多時  
惆悵春風客自知  
來拜城南司隸墓

前途重到畢繇祠

即皋陶祠  
在偃師

唐縣


野草連天楚嶺明  
遠看沁水石梁橫  
一行僕吏如飛鳥

冒雨衝風到謝城

舊申伯城詩  
云于邑于謝

回大梁偶至城南佛寺

一上繁臺雨乍晴吹臺西畔野花明  
禪關兩地垂楊下  
不斷鐘聲又磬聲



古歡堂集卷十四

欽定四庫全書

集部

古微堂集卷十五至  
九

詳校官侍講學士臣法式善

助教臣常循覆勘

總校官庶吉士臣何思鈞

校對官中書臣石鴻翥

謄錄監生臣包文訓

欽定四庫全書

古歡堂集卷十五

戶部侍郎田雯撰

七言絕句

題太真出浴圖

女官簾下銜巾媚  
妃子燈前出水嬌  
莫怪三郎拚誤國  
只今看畫已魂銷

題范蠡歸湖圖二首

賣弄江湖作富民  
沼吳霸越歷艱辛  
當時作事癡愚甚

絕代尼光送與人

千載休誇勾踐雄  
數年便見霸圖空  
黃金用盡全無味  
不鑄西施鑄范公

客中對鏡

不識此翁何處來  
龍鍾老態五行乖  
少陵多事頻看鏡  
滿面青黃土木災

溫子昇碑

幼婦新辭各擅場  
參軍開府兩相當  
北人不讓南來客

鄴下韓陵片石彊

聽鄆城樊生花坡彈琵琶時秋八月

淫哇凡響滿城傳  
洛下聲名總可憐  
何似樊生才伎絕  
風流揭調四條絃

五嶽填胸意不平  
逢場遊戲譜新聲  
琵琶直作漁陽鼓  
知爾前身是禰衡

秋風逐隊撥檀槽  
樂府流傳索價高  
畢竟教坊誰第一  
大家齊演鬱輪袍

老來懶慢詩篇少病後心情酒量差一事腐儒真得意  
垂簾煮茗聽琵琶

題龍石樓和蘇詩卷後四首

擊鉢排成第三卷飛揚跋扈鬪雄才泉源萬斛今誰敵  
仍喚謫仙蘇二來

神仙舊署昔時名落紙樓頭有定評一自罷吟溫室樹  
詩人誰是宋延清

閒於格律費思量自分衰頹少拍張今日讀君詩一寸



不教逢閏厄黃楊

第三卷可盈  
寸時閏三月

壘塊填胸老病加  
頭風連日眼生花  
石樓詩句羅家乳  
兩遇麻姑癢處爬

讀李衛公傳

遺事流傳說贊皇  
海南司戶動悲傷  
平生珠玉堪炊煮  
口腹偏教滿萬羊

挽石樓二首

有序

石樓云先生既批點予詩  
惠題卷尾四絕句後數日

相見東闕門下先生云子三和蘇矣而詩亦三變初  
集雖有見解只為此公門戶太大瞻前忽後尚未能  
掉臂遊行也二集則識已定膽愈壯駸駸乎越藩籬  
而入其室中若今之三集興酣筆落縱橫變化不可  
端倪如李臨淮一入朔方軍壁壘旌旗精采煥發此  
詩家之妙境而吾之所最賞心也嗟乎先生風度凝  
然眼光洞照從不輕為許可而獨于是集稱嘆不置  
如此先生又云詩要作出是我向來所未見者才是

好詩嘗記施愚山云他人詩似都是人說過十數遭者唯石樓不然將來必傳此語與先生絕相類予乃和一絕云文字汗牛詩滿几細看強半是餘才山薑大似愚山語須是未經人道來丁丑夏五端陽前二日改菴燹記此石樓絕筆也是秋亡矣

髯蘇高唱詩才絕那許風騷思等倫半和篇章石樓死  
一千年後少詞人

位置修文幾俊才白榆天上鬼相猜孟郊李賀題詩處

咄咄石樓何又來

送王令貽之官銅仁

大江浪打小江流白首銅崖憶舊遊曾有記程詩句好

五十三驛是皇州

前人語

題鍾先生遺像二首

漑竹風流畫手傳烏巾道貌尚依然河汾門下無多士

白首重看五十年

滄溟宅壞尋喬木歷下亭欹補短牆剩水殘山西郭外

楠園無主夕陽黃

永慶寺題壁二首

以下二十  
首補作

鹿苑花幢徑已迷  
殘僧一二講堂棲  
磬聲驚起羣飛鶴  
落在茶商屋上啼

燕麥兔葵落日間  
老年重到舊禪關  
空憐佛子三唐鼎

豕腹鼃頭翡翠斑

寺有唐鼎三  
天寶年鑄

謁東方祠五首

古廟寒烟厭次雲  
鴉飛黑陣冒斜曛  
周圍滿樹桃花放

茅屋三間二細君

小院依樓九尺身  
欄間布穀雨聲頻  
村農來賽雞豚社  
不是尋君射覆人

寂寂荒祠白板扉  
隔牆風送棟花飛  
遠看一叟騎驢至  
疑是先生割肉歸

春鳥貪啼便是歌  
風前據地酒顏酡  
野花沾落公袍袖  
似較三千奏牘多

神頭小店白楊風  
十里徒河一水通  
昨過董生下帷處

今朝長揖滑稽雄

慈氏寺僧房

名藍精舍野烟中半塢依然立晚風  
門外長河流水去鐘聲漁唱夕陽紅

鐵佛寺

野草閒花補壞垣秋風不閉破山門  
我來欲覓殘碑讀橫卧龜趺壓樹根

瓜隱園雜詩九首

一雙春鳥屋簷鳴樹杪風聲似雨聲吾輩從來非解事  
全憑鳩婦道陰晴

離騷句澁何能讀秋水篇長已久停攘臂今朝展書卷  
養魚經與相牛經

木蜜來禽穀雨後黃瓜紫李春分前一班都出園丁手  
況有齊民要術篇

瓜圃寬長二畝餘東陵野老較何如絕竒覓得西洋種  
皮色斑青蚪蚪書



軋軋鴉聲水葉開長鬚奴子駕船來此番不為秋風起  
網得鱸魚少二腮

小婦三度報蠶眠准備新絲浴夏天自是吾村好光景  
打門無吏橫催錢

書齋近在廟門東小學新頒例不同芒屨葛巾搖羽扇  
上堂長揖數村童

結束成圍試一行南村人鬪北村彊看來本是懷磚俗  
宋鵲韓盧獵兔場

偶欲跨驢入城去棟花風下立多時遍詢村口三叉路  
林鳥潭魚總不知

題公凱學士小照二首

莫州野店初逢汝歲月堂堂四十春畫上不教顏色改  
仍前白面紫髯人

讀罷道書千餘卷石牀風過落松花第三廳外門方閉  
傳賜頭綱八餅茶

讀任彥升傳

浣衣食麥苦當時才並江淹瑋瑰辭掇入中書腸內熱  
可憐俛首謝蟲兒

讀書

夜闌長短五噫聲坐倚昏燈氣未平可怪衰年六十五  
住人廡下作書生

讀馮衍傳

陰就交情原不薄廡丹說去亦絕倫馮生窮達誰能料  
一事傷心是婦人

魏梁並題一絕句

老瞞天下三分耳阿練功成但一身稱帝稱王猶細事  
絕竒父子盡詞人

讀東阿傳

生子如斯非易得才名早冠建安儔阿翁可笑荒唐甚  
尚羨江東一仲謀

蛙

四月十七夜寓高良澗蛙百數頭入室伏卧具下二

鼓覺之命奴子敲去并送以詩

袍綠睛紅側注冠大聲閣閣貌團團如何假館郵亭夜  
汝輩原來盡是官

怒蛙

一部池塘水遙爬沙入戶有誰招休輕世少盧仝手  
牋奏天庭不汝饒

怒蛙

一番寂寞子雲居仗汝喧闐鼓吹餘況是山薑多好事

政從爾雅注蟲魚

枇杷

楊梅未熟何堪摘  
杏子初青未可嘗  
最是枇杷解人意  
櫻桃紅後十分黃

櫻桃

入市買來紅百顆  
登拌佐飲綠千鍾  
櫻桃不是尋常物  
自有多情石季龍

湖隄十絕句

二月淮南春事無馬蹄不惜蹋寒蕪可憐杏白錫香日  
風雨瀟瀟叫鷓鴣

漢水春風唱柘枝大堤一曲寫烏絲今番應笑無佳句  
合付孫郎仗下兒

盧家風物那堪論漠漠湖光斷客魂沙鳥一行弄烟雨  
不知何處莫愁村

垂柳貪眠傍水涯小紅橋外路三叉湖村村畔多游女  
日暮溪頭弄菜花

昨趁夕陽芳草歸  
鞭絲帽影雨霏微  
可堪三月春風老  
到處桃花燕子飛

稜稜堤作雙眉綠  
瑟瑟波如一鏡明  
片片辛斤惜花盡  
朝朝布穀喜春晴

落日蕪城一抹霞  
竹西水調亂昏鴉  
樊川不作揚州夢  
孤負唐昌玉藥花

重到淮南少拍張  
牽船岸上亦無妨  
分明半笏維摩室  
只少天花作道場



張旗打鼓放江船  
負弩人來憶往年  
莫怪一番花寂寞  
春深老柳不吹綿

客愁還藉詩排遣  
遑事都從夢破除  
何遜清吟狂態作  
樽前沈范兩尚書

湖堤後十絕句

一間草屋符簷扉  
鷓鴣相狎來依依  
移家已上桃花岸  
更有鷓鴣無數飛

大堤犖确小堤平  
狡獪春風故故生  
謝絮沈錢填馬路

蜂鬚蝶粉礙人行

朝朝暮暮浪花中間立  
沙頭水勃公不分鴛鴦菱葉上  
奢雲艷雨浴衣紅

烟中艇子柳邊樓  
消得愁人幾許愁  
唯有一條袁浦上  
酒家帘影落春流

衣疊苔錢將入夏  
釵分燕尾已過春  
鴛梭一段烟絲縷  
織作蕉衫付酒人

四月八日佛生日  
野色湖光妙諦參  
幾轉粟留代清磬

一枝麥穗當優曇

湖邊芍藥二三種  
白糝紅酣山寺開  
料得無人相謔贈  
僧雛折獻水神來

柳接隋家帝子栽  
長條盡作馬搗材  
黃鸝應是精靈使  
勾引雙柑斗酒來

枇杷顆顆黃將盡  
桑椹離離鳥啄殘  
可笑多情白翎雀  
滿身烟雨戀江干

顛顛江潭落照斜  
子山多病未還家  
愁聽小謝輕埃雨

半濕新桐抱鳳花

湖堤又十絕句

食法嚴龜太瑣細天教饒口養麕才長鬚解辦花前酌

買得蘆芽蛤蚶來

唐書有嚴龜  
食法二卷

羅含宅廢情無賴王粲樓荒魂黯銷未卜梁鴻何處住  
綠槐深巷是皋橋

一局丁東入夜闌三條蠟淚玉蟲殘此行不比羊元保  
願作宣城太守官

老夫多癢倩誰爬鴻爪留痕病轉加閒讀漢書過戊夜  
神仙不到蔡經家

絕少當壚買酒錢孤村小肆麥風前故人為解相如渴  
汲盡春申澗底泉

病馬龍鍾似瘠竹短鬣那復森開張杜陵野老作浪語  
苦試明年春草長

便欲結茅湖上住屋旁鴨嘴小漁船慣搵思話纖腰鼓  
不費君平卜卦錢

詩思刁騷囊下琴短吟彈出又長吟十三徽碎鍾期少  
不向人間更鑄金

渺渺鴻陂白練鋪芋魁豆飯野風呼它時兩鵠歌聲歇

似得浮山一格無

鴻陂見漢書荆山為上  
格浮山為下格見南史

沿溪鴉髻數兒童倒接羅來指老翁休唱白鞮於醉態  
須教拍手笑山公

李公凱同年惠二犬戲荅

補作

老不如人言語大羸肩斗酒氣難降來朝獵兔秋原去

馬後韓盧宋鵲雙

人生聚散誰能料四十餘年老鬢催  
它日倘成千里別  
好教黃耳送書來

晚行口號

十里黃昏細雨中  
小橋不復辨西東  
行人愁唱烏棲曲  
遠浦漁燈一寸紅

江湖

底事名銜百不同  
班行挂籍贅疣中  
縱然高閣江湖上

也是江湖一長翁

論詩

漁洋一派唐三昧  
抉出詩人第一班  
錦瑟玉溪真絕調  
大兒合是白香山

詩壇老將公評在  
不許偏師索價高  
唯有少陵矜律細  
泰山果爾重秋毫

秋夜飲桂樹下

酒價秋來太無賴  
僭同涼州古葡萄  
似欺寒水蓼花細



不分橫天鴻雁高

愁看露下淒涼夜強撥鐙前灑灑盃一物淮南差不惡  
小山樹子送香來

讀史偶詠

入閣其如犬吠何才人情思半消磨原來小屋孤眠處  
梁上書多餅餌多

邢邵

心熱槌車逐後塵穰侯相印太逡巡風流年少王寧朔

鄧禹依然欲笑人

王融

大手文章作賦工區區邢子豈能同看來亦是尋常技

蛺蝶獼猴狗兔中

魏收

赤章午夜奏蒼天綺語傷心佛亦憐一事却從何處悔

壽光閣外晚風前

沈約

平生書劍總徒勞雷擊相逢意氣豪勇退無聞饒怪事

文章不直海鳧毛

張華

重陽

菊花不見莫思量且向天邊數雁行誰料今年公路浦

鮎魚萬酒過重陽

題冷謙畫卷

曾在夜郎觀石壁三丰寫照萬峯奇  
原來冷叟仙踪妙也向人間作畫師

淮上詠古八首

滿地斜陽瑟瑟波人傳此地是甘羅  
土墻留得空城在

十里寒蘆宿雁多

甘羅

野日荒祠迹已陳棠梨涇口水粼粼  
哀鴻亦灑王孫淚

汧水何曾遇婦人漂母

淮北天連衰草秋射陂雲上楚山頭欲尋枚叔家何處

鴉黑楓紅水怒流枚乘

有酒如淮莫辭醉拚傾三百淺深盃昨朝蕩漿青蓮浦

村名今上伯倫臺上來劉伶二上字各意

萬酒勝平于麴米春買來湖鱗大如輪南烹但飽麀牙

米此地還逢說餅人東晉

湖舍淒清晚菊殘蕭郎憔悴不勝寒人家茅屋沉秋水

打鼓應愁騎棟難

蕭思話

客思紛紛落葉多玉臺寂寞廢吟哦秋深新詠添如許

試問徐家小寶摩

徐陵

捉鼻狂吟湖上遊經春花鳥已深愁殘星長笛秋風老

交付詩人趙倚樓

趙嘏

### 舟中有感

默坐篷窻落照時風帆疾鈍不須知世間萬事舟行水

聽爾黃頭與舵師

耳聾

打鼓吹螺事事停床前  
蟻鬪那堪聽思量兩耳聾  
偏好不倒春風社酒瓶

鍾聖輿以芍藥數枝見貽同漁洋先生各賦一  
詩用奮來意

山薑連日沒心情閒  
嗽櫻桃麴藥停準擬  
今宵狂態作數枝  
婪尾插窰瓶

魏武父子

幽燕老將真無敵  
年少三河又不同  
對酒當歌音節古  
阿瞞到底是詞雄

閏七月口占

老來多得三十日  
病骨爭高一寸強  
萬事輸人何論厄  
從前不閏亦黃楊

偶感

河渠讀去文多闕  
溝洫傳來語半愴  
一例殘編無用處  
龍門多事誤班生

三月一日

三月一日村中住洗盡慈仁寺下塵曳杖自臨波面照  
白頭短褐淨烏巾

雜感二首

讀書巧鈍本由天老覺今年遜去年世上羣兒渾不記  
曹劉沈謝亦徒然

韓李當年事莫論入山曾許掩柴門豈知陶令歸來後  
也避街頭醉尉尊



秦郵晚泊

哀柳寒蘆野水邊湖干風景故依然秋城漁火秦郵夜

白首重來十四年

自丁卯訖庚辰十四年矣

題桃花扇傳奇絕句

一例降旗出石頭烏啼楓落秣陵秋南朝賸有傷心淚  
更向胭脂井畔流

白馬青絲動地哀教坊初賜柳圈迴春燈燕子桃花笑  
牋奏新詞狎客來

江潮無賴弄潺湲  
一載春風化杜鵑  
却怪齊梁癡帝子  
莫愁湖上住年年

商丘公子多情甚  
水調詞頭弔六朝  
眼底忽成千古恨  
酒鈎歌扇總無聊

零落桃花咽水流  
垂楊顛顛暮蟬愁  
香娥不比圓圓妓  
門閉秦淮古渡頭

錦瑟銷沉怨夕陽  
低回舊院斷人腸  
冠家姊妹知何處  
更惜風流鄭妥娘

新秋雨夕下司寇齋中觀劇

尤展成李白  
登科傳奇

四條絃動第三廳一闕霓裳酒未停  
偶爾清歌天使妬  
秋鐙寒雁雨淋鈴

咏古

誰教玉體兩橫陳粉黛香消馬上塵  
劉項看來稱敵手  
虞夫人後戚夫人

雪塢上人餉茄瓜作此報之四首

精舍名藍老衲居四輪八象竟何如  
那知佛鉢香華滿

重讀齊民一卷書

齊民要術載種蔬事甚詳

東坡偏嗜元修菜成式曾誇楊僕薑老婢從今精饌事

牢丸菽乳又相當

老婢亦段成式事

崑崙茄大如豨首秦谷瓜甘勝晚菘惹得季鷹尊興起

蕎花苴蔓正秋風

茄一名崑崙瓜秦谷即東陵也

由來比腹負將軍脫粟黃齋欲斷葷山谷老人詩似偈

白鷺存掌驚留裙

題王孟端九龍山送別圖

自是孟端山水妙  
麥光大幅弄清暉  
黯公可笑無聊甚  
索向故人平仲微

歸途六絕句

滿朝傳笑太即當  
老眼昏花疏數行  
詔下鏡湖三百頃  
便教乞與賀知章

瓦橋闌下路駸駸  
朔雪南鴻凍不禁  
脫落金龜無用處

長鬚持換蜜林禽

酒名

郵亭長短總天涯  
軋軋烏犍下澤車  
到得故園好時節

梅花放盡放桃花

古木澄潭客夢牽  
維摩多病又堪憐  
吾家可笑游巖老  
摒擋膏肓二十年

草草鄉書夜二更  
幾回衣桁淚縱橫  
還家休問胡麻飯  
叉手空堂種不成

彭澤休官何落落  
此公作意太精靈  
平聲宜飲酒無虛  
日多事一編山海經

河村雜詠五首

長河春日漲春水兩岸紅桃無數花厭次城連三十里  
東方曼倩是鄰家

漫向東家乞鼠姑名花瑤草費功夫春分流水柴門外  
滿種垂楊十萬株

十五年中人不見受風桑下自披襟劉生較爾太多事  
浪作雪車冰柱吟

葛衫席帽自荒唐箕踞科頭亦不妨無那關門謝來客

老人怕着新衣裳

用元  
人句

腹量松木真堪笑滿徑蓬蒿似不宜獨有東陵種瓜者  
風流儒雅是吾師

寄醒齋同年

雞啼呵殿報衙籌一路堂堂避八駟紅日滿窓吾自笑  
老夫貪睡擁黃綢

讀元人詩各賦絕句

千年風雅遺山體半格堂堂妙入神商略論詩三十首

如公直作濟南人

元好問



文安前哲龍門筆三史才華自不同  
落落當年楊鐵厓李

孝輩孤山灑淚夕陽中  
揭溪

斯

一般不信先生處  
方外還存藁數章  
楊范齊名皆敵手

漢廷老更太矜狂  
虞集

句曲貞居稱外史  
馬騰菌閣儘風流  
分明並跡陶弘景

不向山間畫兩牛  
張雨

姚子摹來渾莫辨  
申州有一故人存  
看他總愛元和脚

斂手薑牙不可論

張雨子庚辰在淮上見外史字卷為姚綬所摹者申州用懷素事

江口峭帆秋雨夜雁門短褐北風前巧題輒自夸餘技

袁趙虞楊笑拍肩

薩都刺

玄都道士虛中子霞外殘編兀自竒曾向錢唐湖壁上

幾行墨瀋石榴皮

馬臻

東野低頭愧下風金臺萬里有詞雄那知那隗多竒骨

却策詩壇第一功

迺賢策功元人平易之語

詩名豈是尋常得跋扈飛揚未易才西蜀伯生高月旦

須教百戰健兒來

楊載

好友熊生知己外唐臨晉帖識應稀休從長慶談元白

賣卜詩人范德機

范梈

太湖三萬六千頃落月長庚何處尋吟嚙翠寒真賞絕

一編鯨背動豪吟

宋元

驚人硬語盤空大老手詞源萬斛多未必韓蘇能勝此

先生何處着詩魔

吳萊一日於故人家見几上堆刻紙數十戲為長歌頃刻而盡人以為神

山薑舊有王孫畫春陌看山立馬圖寒夜讀公松雪卷

層冰膠硯費工夫

趙孟頫

蕭閒清閔詩人宅喬木松篁水一灣自是篇章凌鮑謝

誰教辛苦作荆關

倪瓚

古鼎名琴自可人閑風孤鶴認前身老迂雅潔曾成癖

淨澹詩塵與畫塵

倪瓚

曾見種松書百行數公枉用說黃蒼發蹤便爾多時輩

不抵支離一叟強

鮮于樞有種松齋尚賴三數公  
發蹤黃與蒼支離叟卷中詩也

題陶

五斗憐腰漫自夸田園心事太紛拏讀公歸去來辭草

轉覺頭風一倍加

底事先生苦認真  
吾曹出處總無因  
琴書果為銷憂用  
籬下黃花解笑人

雜詠六首

大都萬事摸稜了  
米汁新筍要細評  
從此辦香休浪語  
劉家白墮古先生

太息人非物亦非  
還家心與事相違  
山川城郭連芳草  
長嘯一聲丁令威

往籍看來都是屢偃師作戲幾曾真百年蕉鹿三冬夢  
歡喜今朝說立春

黑醪不是尋常味一日拚傾三百盃莫謂山薑太寂寞  
村間撲朔蹲鷗來

巷南巷北過春鼓一老閒堂倚夕曛忽爾山扉多好事  
李當戶繪兩將軍

燈火闌珊飲不成梅花老屋自多情休嫌除夕風光淺  
鄰舍喧聞爆竹聲

盆梅四首

獨有襄陽孟浩然  
氈巾驢背聳吟肩  
梅花今落山薑手  
老瘦迂酸太可憐

老瓦盆中雪一堆  
篆香茗火哄堂來  
世情涼燠梅知否  
還自婆婆滿樹開

眉間黃氣鏡中夸  
喜事來朝定不差  
果爾浮蛆春甕熟  
晴窓烘日賞梅花

一日一花詩一首  
休言楊後與盧前  
千鬚萬瓣吟花盡

小駐人間五百年

偶成

論詩難比作詩難正變源流有數般莫怪皎然嘲記室  
小兒學語笑相看

有感

膏火空存奈晚何為誰辛苦日消磨生涯處處皆鞭賈  
蠟澤樞黃值幾多

七夕五絕句末二首苦雨



雲影天光照畫眉原來今夕是佳期一番庭院陳瓜果  
嬉子空成一段絲

涼雲烏鵲已成行不是斑駁送陸郎打疊填河須曉事  
休驚七十二鴛鴦

脈脈來津又去津七香車下淨無塵黃姑片石留佳話  
試問長生殿裏人

原來天上最多情粉蝶青陵恨未平一度啼痕三十日  
為雲為雨不曾晴

碧落橫空河漢秋  
金風玉露暮蟬愁  
哀鴻淚作瀟瀟雨  
不用雙星別淚流

古歡堂集卷十五